



**I**oannes de Becka in scripturis sanctis admodū studiosus & doctus, atque Philosophiæ Aristotelicæ non ignarus fuit. Is in ecclesia Traiectensi clericus fuit, breui tempore sua eruditione & pietate omnibus innotuit. Edidit is ingenij sui non cōtemnenda opuscula. & inter ea egregium librum ad Iohannem episcopum Traiectēsem & Vuilhelmum ducem Hollandiæ, de gestis episcoporum Traiectensium & Comitum Hollandinorū. Eum à tempore S. Vuillebrordi primi eius loci episcopi ad annum Domini millesimum trecentesium & quadragesimum sextum deduxit, atque Chronica Traiectensis ecclesiæ inscripsit. Claruit potissimū temporibus Ludouici & Caroli quarti Imperatorum. Trit. in script. Eccles.